

Ժողովուրդ

21 ապրիլի երեքշաբթի 2026
տպագրության ԺԵ տարի

49
(3258)

Ք. Երևան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՎԱՐԿՈՎ ՏՈՒՆ Է ԳՆԵԼ, ԲԱՅՑ ՏՈՒՆԸ ՉԿԱ



Լիլիթ Մակունցը, ով համարվում է Նիկոլ Փաշինյանի քաղաքական հեղափոխության մեկը, առանցքային դեր ունի ինչպես ներքաղաքական, այնպես էլ արտաքին հարաբերությունների համատեքստում: Վկայություններից մեկն այն է, որ ԶՊ 8-րդ արտահերթ համաժողովի ընթացքում հենց նրան էր վերապահվել առաջին ելույթի իրավունքը՝ ի տարբերություն Ազգային ժողովի նախագահ Ալեն Սիմոնյանի, որը ինստիտուցիոնալ առումով հանրապետության երկրորդ դեմքն է, բայց նա Մակունցից հետո խոսեց:

«Ժողովուրդ» օրաթերթը ուսումնասիրել էլ վերլուծել է նրա վերջին տարիների պաշտոնական հայտարարագրերը՝ պարզելու նրա գործունեության ուղղություններն ու գույքային վիճակի փոփոխությունները տարբեր ժամանակահատվածներում:

«Ժողովուրդ» օրաթերթի ուսումնասիրությունը ցույց է տալիս, որ տարբեր տարիներին Մակունցի հայտարարագրերում արձանագրվել են ինչպես զգալի եկամուտներ, այնպես էլ մեծածավալ վարկային պարտավորություններ՝ հիմնականում բնակարանային նպատակներով, այն դեպքում, երբ առանձին անշարժ գույք չի հայտարարագրվել: Ում համար է նա անշարժ գույքի հիփոթեքի վարկ մարում անհասկանալի է, քանի որ հայտարարագրված անշարժ գույք չկա, փոխարենը կա վարկ:

Մանրամասները՝ ArmLur.am կայքում

ԱrmLur.am-ը ուսումնասիրել է ՀՀ Մարդու իրավունքների պաշտպանի 2025 թվականի հաշվետվությունը, համաձայն որի՝ քրեակատարողական հիմնարկներում վատ վերաբերմունքի, ոչ պատշաճ պայմանների եւ քրեական ենթամշակույթի ազդեցության խնդիրները շարունակում են մնալ լուրջ մտահոգության առարկա: Հաշվետվության 5.15-րդ բաժնում արձանագրվում է, որ ազատությունից զրկված անձանց նկատմամբ վերաբերմունքի հարցը միայն առանձին դեպքերի խնդիր չէ, այլ համակարգային բնույթ ունի: ՄԻՊ-ը նշում է, որ ազատությունից զրկված անձանցից ստացվող բողոքները վերաբերում են թե՛ վարչակազմի գործողություններին, թե՛ այլ ազատագրվածների կողմից ճնշումներին ու ոչ ֆորմալ հարաբերություններին: Հաշվետվությունում առանձնացվում է, որ քրեական ենթամշակույթի ազդեցությունը շարունակում է պահպանվել քրեակատարողական միջավայրում, իսկ դրա հետեւանքները դրսևորվում են ինչպես կենցաղային հարաբերություններում, այնպես էլ անվտանգության ու մարդու արժանապատվության պաշտպանության հարցերում:




⇒ էջ 2

Գլխավոր դատախազությունը տեղեկացրել էր, որ Հակակոռուպցիոն դատարանի 2026 թվականի հունվարի 23-ի վճռով բավարարվել է Գլխավոր դատախազության պետական շահերի պաշտպանության վարչության հերթական հայցը: Վճռով հոգուտ Հայաստանի Հանրապետության կրճատագանձվի 297 միլիոն 980 հազար դրամ: Գլխավոր դատախազության պետական շահերի պաշտպանության վարչությունը հայց էր ներկայացրել Հակակոռուպցիոն դատարան՝ պահանջելով անվավեր ճանաչել ՀՀ պաշտպանության նախկին նախարար Սերժ Սարգսյանի եւ ֆիզիկական անձի միջեւ 2005 թվականի դեկտեմբերի 17-ին կնքված՝ Երեւան քաղաքի Մալաթիա-Սեբաստիա համայնքի Ծովակալ Իսակով պողոտայում գտնվող՝ 1.4514 հա մակերեսով հողամասի առուվաճառքի պայմանագիրը: Դատարանը, բավարարելով Գլխավոր դատախազության հայցը, անվավեր է ճանաչել առուվաճառքի պայմանագիրն ու, որպես պայմանագրի անվավերության հետեւանք, վճռել՝ ֆիզիկական անձից հոգուտ Հայաստանի Հանրապետության բռնագանձել հողամասի արժեքը՝ 297 միլիոն 980 հազար դրամ: Վճիռը մտել է օրինական ուժի մեջ, տրամադրվել է կատարողական թերթ:



«**Ք**անի որ բազմաթիվ հարցեր ստացանք, թե ինչու է Բագրատ Սրբազանը հրաժարվել Սուրբ Հաղորդությունից, ցանկացանք պարզաբանում տարածել»: Այս մասին գրված է Բագրատ Սրբազանի ֆեյսբուքյան էջում. «Բանն այն է, որ ՀՀ Արդարադատության նախարարության ապօրինի որոշմամբ արգելվել է Հայոց Եկեղեցու կողմից նշանակված եկեղեցականների մուտքը ազատագրված վայրեր: Շրջանցելով Մայր Աթոռը եւ անտեսելով իրավական կարգավորումները՝ անհատ եկեղեցականների հետ կնքվել են աշխատանքային պայմանագրեր: Զինված ուժերից գնդերեցների հեռացնելուց հետո սա հաջորդ քայլն է՝ պետական կառույցների եւ Մայր Աթոռի համագործակցությունը դադարեցնելու: Հիշեցնենք, որ Հայաստանյայց Առաքելական Սուրբ Եկեղեցու եւ ՀՀ Արդարադատության նախարարության միջեւ կա կնքված պայմանագիր քրեակատարողական հիմնարկներում հոգեխնամ ծառայություն մատուցելու համար: Վերագրյալի պատճառով՝ Բագրատ արքեպիսկոպոս Գալստանյանը նման որոշում է կայացրել»:



ՔԱՂԱՔԱԿԱՆ

ՀԱՌՑԱԳՐՈՒՅՑ

«ԻՆՉ ԱՐԵՑԻ, ԻՆՉ ՉԷՐ ՍԱԶՈՒՄ, ԶԳՋՈՒՄ ԵՄ»

Գյումրու ավագանու ՔՊ խմբակցությամբ ղեկավար, Հայաստանի էլեկտրական ցանցերի Շիրակի մարզի «Արս» մասնաճյուղի սփորեմ Սարկի Մինասյանը ֆեյսբուքյան իր էջում քննադատել է հրատարակել «Վարչաբեմոտ» համերգից, որտեղ հայտարարվել է ֆաղափարներ:

Տեսանյութի սակ ֆաղափարները կարծիքներ են հայտնել, ինչին ի դասասխան՝ Մինասյանը հայտարարել է եւ վիրավորել օգտատերերին:

ArmLur.am-ը կառուցված է Սարկի Մինասյանի հետ՝ հասկանալու համար, թե ինչու էր հայտարարվել հնչեցնում ֆաղափարների հասցեին:

- Պարոն Մինասյան, երեկ Դուք Ձեր սոցեջում վիրավորական եւ հայտարարող արտահայտություններ էիք հնչեցնում այն քաղաքացիների հասցեին, որոնք «Վարչաբեմոտ» համերգի մասին վատ մեկնաբանություններ էին հրատարակում: Ինչու էք թիրախավորում քաղաքացիներին եւ հայտարարող արտահայտություններ հնչեցնում:
- Կներեք, բայց ես չեմ հարձակվել, ֆեյք էջերով հարձակվել էին իմ գրառման տակ՝ վատ մեկնաբանություններ թողնելով: Տեսնելով, որ իմ հրատարակած տեսանյութը մեծ տարածում է գտնում եւ հավանության արժանանում, սկսեցին ֆեյք էջերով վատ մեկնաբանություններ գրել:
- Բայց պաշտոնյան պետք է զուսպ լինի եւ կարողանա հարգել քաղաքացիների կարծիքը, ինչու էիք հայտարարում հնչեցնում:



- Այո, ճիշտ էք, ուղղակի մեր մեկտալիտետով հայ տղամարդը երբեմն սառնասիրտ չի կարողանում լինել, եւ արձագանքը վատն է ստացվում:
- Զղջում եք Ձեր արածի համար:
- Այո, իհարկե: Քիչ հետո ես հայտարարությամբ հանդես կգամ: Ուղղակի իրենց գրածների համեմատ իմ գրածը կարելի է հայտարարել: Բնականաբար, ինչ արեցի, ինչ չէր սազում, ներողություն եմ խնդրում բոլոր այն մարդկանցից, ովքեր չպետք է կարդային այդ ամենը, ուղղակի բարկացնում է նաեւ այն, որ թիրախավորում են ոչ միայն քեզ, այլեւ քո ընտանիքը, քո հարազատներին: Դրա համար սարձանքին տրվում եւ, որը, բնականաբար, չպետք է լինի:
- Նախընտրական ժամանակահատված է, մթնոլորտը՝ լարված, այսինքն՝ պետք է ամեն օր նման իրավիճակի՝ ակնատես լինի հանրությունը:
- Ոչ, ես կոչ եմ անում բոլորին, քաղաքական նկատառումներից ելնելով, իրենց հակառակորդներին չթիրախավորել, սա չդարձնել ամենօրյա խնդիր:
- Դեռացրե՛լ եք մեկնաբանությունները:
- Այո, հեռացրել եմ, իրենք ավելի վատ բառեր են գրում, գրում են, հետո փոխում իրենց գրառումը՝ դրանով սադրելով մեզ: **Ջրուցե՛ք՝ ՍՈՍԱ ԳՐԻԳՈՐՅԱՆԸ**

ՌԻՍԿԵՐԸ ՇԱՐՈՒՆԱԿՈՒՄ ԵՆ ՄԱՍԻ ՍՈՒՐ


ArmLur.am-ը ուսումնասիրել է ՀՀ Մարդու իրավունքների դաշտում 2025 թվականի հասցեագրությունը, համաձայն որի՝ ֆրեակասարողական հիմնարկներում վաս վերաբերմունքի, ոչ դաշտում դայանմանների եւ ֆրեական ենթամակայի ազդեցության խնդիրները բարունակում են մնալ լուրջ մտահոգության առարկա:

Հաշվետվության 5.15-րդ բաժնում արձանագրվում է, որ ազատությունից զրկված անձանց նկատմամբ վերաբերմունքի հարցը միայն առանձին դեպքերի խնդիր չէ, այլ համակարգային բնույթ ունի:

ՄԻՊ-ը նշում է, որ ազատությունից զրկված անձանցից ստացվող բողոքները վերաբերում են թե՛ վարչակարգի գործողություններին, թե՛ այլ ազատագրվածների կողմից ճշգրտումներին ու ոչ ֆորմալ հարաբերություններին: Հաշվետվությունում առանձնացվում է, որ քրեական ենթամշակույթի ազդեցությունը շարունակում է պահպանվել քրեակատարողական միջավայրում, իսկ դրա հետեւանքները դրսևորվում են ինչպես կենցաղային հարաբերություններում, այնպես էլ անվտանգության ու մարդու արժանապատվության պաշտպանության հարցերում:

Փաստաթղթում ուղիղ նշվում է, որ «քրեական ենթամշակույթի ազդեցությունը պահպանվում է», իսկ դրա դեմ պայքարը դեռեւս ամբողջությամբ արդյունավետ չէ: Միաժամանակ ընդգծվում է, որ խնդիրը վերաբերում է ոչ միայն ֆորմալ իրավակարգավորումներին, այլ նաեւ հիմնարկների ներսում ձեւավորված փաստացի հարաբերություններին:

ՄԻՊ-ը արձանագրել է նաեւ վատ վերաբերմունքի մասին տեղեկությունների



ստացման եւ դրանց պատշաճ քննության հարցում թերություններ: Հաշվետվությունում նշվում է, որ առկա են դեպքեր, երբ անձինք վախի, անվտանգության կամ հնարավոր հետեւանքների մտավախության պատճառով չեն բարձրաձայնում խնդիրները: Այդ համատեքստում ուշագրավ է ՄԻՊ-ի արձանագրումը, որ «ազատությունից զրկված անձինք կարող են խուսափել բողոք ներկայացնելուց»:

Առանձին անդրադարձ կա նաեւ նյութական եւ կենցաղային պայմաններին: Ըստ հաշվետվության՝ որոշ հիմնարկներում խցային պայմանները, սանիտարահիգիենիկ վիճակը, օդափոխությունը, լուսավորությունը եւ ջերմային ռեժիմը շարունակում են խնդիրներ առաջացնել: ՄԻՊ-ն արձանագրում է, որ նման պայմանները կարող են ոչ միայն վատթարացնել պահման ընդհանուր իրավիճակը, այլեւ նպաստել լարվածության աճին ու ոչ ֆորմալ ճշգրտումների խորացմանը:

Հաշվետվությունում առանձնահատուկ տեղ է տրված «Արմավիր» քրեակատարողական հիմնարկին: ՄԻՊ-ը նշում է, որ այնտեղ խնդիրները բազմաշերտ են՝ սկսած խցային պայմաններից մինչեւ միջանձնային հարաբերությունների եւ ենթամշակույթային ազդեցությունների դրսևորումներ: Զեկույցում նաեւ նշվում է, որ որոշ դեպքերում ազատությունից զրկված անձինք փորձել են հարմարվել այդ միջավայրին՝ հրաժարվելով բողոքարկման մեխանիզմներից կամ չվստահելով դրանց արդյունավետությանը:

Բացի այդ, հաշվետվության մեջ մատնանշվում է, որ ենթամշակույթի դեմ պայքարի միջոցառումները չեն կարող սահմանափակվել միայն վերահսկողական քայլերով: ՄԻՊ-ը շեշտում է, որ անհրաժեշտ են նաեւ կանխարգելիչ, սոցիալ-հոգեբանական եւ վերասոցիալականացման գործիքներ: Այդ համատեքստում փաստաթուղթը կարելի է անձնակազմի դերակատարումը, խոցելի խմբերի առանձնացված պաշտպանությունը եւ ազատությունից զրկված անձանց իրավունքների արդյունավետ երաշխավորումը:

Հաշվետվության այդ մասի եզրահանգումն այն է, որ քրեակատարողական համակարգում վատ վերաբերմունքի եւ քրեական ենթամշակույթի ռիսկերը շարունակում են մնալ բարձր, իսկ առկա մեխանիզմները դեռեւս լիարժեք չեն լուծում խնդիրը: ՄԻՊ-ի գնահատմամբ՝ համակարգում անհրաժեշտ են ոչ թե հատվածական, այլ խորքային փոփոխություններ՝ մարդու արժանապատվության, անվտանգության եւ իրական վերասոցիալականացման ապահովման համար:



ԱՐՏԱՐԵՐԹ ՀԱՄԱԳՈՒՄԱՐ ԿԱՆՑԿԱՑՆԻ

ArmLur.am-ի տեղեկությունների համաձայն՝ այսօր՝ ապրիլի 21-ին, «Ուժեղ Հայաստան» կուսակցությունը «Րվին» հյուրանոցային համալիրում արտահերթ համագումար կանցկացնի:

Ըստ ArmLur.am-ի տեղեկությունների՝ արտահերթ համագումարի օրակարգում ընդգրկված են կուսակցության օրակարգի հաստատումը, «Ուժեղ Հայաստան» կուսակցությունների դաշինքի առաջին երեք տասնյակ թեկնածուների հաստատումը եւ առաջադրման մասին որոշումը:

Հիշեցնենք, որ ապրիլի 8-ին հայտնի դարձավ նաեւ, որ «Ուժեղ Հայաստան» կուսակցության անցկացված համագումարում հաստատվել են նախընտրական ցանկի առաջին 30 թեկնածուները: Առաջին յոթնյակն ունի հետեւյալ տեսքը.

- Նարեկ Կարապետյան
- Արամ Վարդեանյան
- Գոհար Մելոյան
- Դավիթ Ղազինյան
- Ռուբեն Մխիթարյան
- Արեգա Հովսեփյան
- Մամիկոն Ասլանյան:

ՀԱՍՏԱՏՎԵԼ Է ԸՆՏՐԱԿԱՆ ՑՈՒՑԱԿԸ

Ապրիլի 20-ին տեղի է ունեցել «Միասնության թեւեր» կուսակցության արտահերթ համագումարը: Համագումարը կայացրել է որոշում՝ հաստատելու «Միասնության թեւեր» կուսակցության ընտրական ցուցակի առաջին երեք տասնյակում ներառված պատգամավորի թեկնածուների անուններն Ազգային ժողովի 2026 թվականի հունիսի 7-ի ընտրություններին մասնակցելու նպատակով:

«Միասնության թեւեր» կուսակցության ընտրական ցուցակի առաջին երեք տասնյակում ներառված պատգամավորի թեկնածուներն են՝

- 1 Արման Հակոբի Թաթոյան
- 2 Դավիթ Սանասարի Անանյան
- 3 Աստղիկ Համլետի Մատինյան
- 4 Շահեն Շանթի Հարությունյան
- 5 Ավետիս Արմենի Ավետիսյան
- 6 Հասմիկ Աֆթանդիլի Ղազարյան
- 7 Արմեն Էդվարդի Գալստյան
- 8 Լիպարիտ Մամիկոնի Դրմեյան
- 9 Անուշ Ռոստոմի Սեդրակյան
- 10 Գոռ Հովհաննեսի Թադեոսյան
- 11 Լեւոն Հայրապետի Չուկակյան
- 12 Ռոզա Համլետի Հարությունյան
- 13 Վահագն Ֆարիադի Դավիթասյան
- 14 Արմեն Էդիկի Եղիազարյան
- 15 Մարինե Նորիկի Հարությունյան
- 16 Նարեկ Վարդկեսի Պարոնյան
- 17 Տիգրան Հովհիկի Հայրապետյան
- 18 Սաթիկ Վասիլի Գզողյան
- 19 Նարեկ Էմիլի Բալաբեկյան
- 20 Վարդան Ստեփանի Փաշայան
- 21 Անահիտ Սեդրեյի Փիլոսյան
- 22 Հրաչյա Սամվելի Մանուկյան
- 23 Պարույր Ավետիսի Ալեքսյան
- 24 Զուլիխտա Սամվելի Բաղդասարյան
- 25 Կարեն Սամվելի Լազարյան
- 26 Նորայր Սմբատի Աբրահամյան
- 27 Սաթենիկ Կարենի Աթայան
- 28 Աշոտ Սուրենի Թովմասյան
- 29 Շուշան Նորիկի Սարգսյան
- 30 Սարհատ Վազրիկի Պետրոսյան

ԻՐԱՎԻՃԱԿ

ՀԱՅՏԱՐԱՐԱԳԻՐ

ՊԱՏԳԱՄԱՎՈՐԻ ՕԳՆԱԿԱՆԻՑ՝ ՊԱՏԳԱՄԱՎՈՐԻ ԹԵԿՆԱԾՈՒ

ԱԺ Է ԳՆՈՒՄ

ArmLur.am-ի տեղեկություններով ապրիլի 27-ին Ազգային ժողով է գնալու ՀՀ արտաքին հետախուզության ծառայության պետ Քրիստինե Գրիգորյանը...

ՀՀ-ՈՒՄ ՈՉՆՉԱՑՎԵԼ Է

ՀՀ-ում ոչնչացվել է «Nestle» ընկերության «NAN» ապրանքանիշի մանկական սննդի վտանգավոր ճանաչված 9,700 կգ ընդհանուր քաշով խմբաքանակ, հայտնում են ԱՍՏՄ-ից:

Նշվում է, որ ոչնչացման պատճառը, ըստ Ռուսաստանից ստացված լաբորատոր փորձաքննության արդյունքների, մանկական սննդի չոր, արագ լուծվող, կաթնային եւ կաթնաթթվային խառնուրդների խմբաքանակներում հայտնաբերված վտանգավոր տոքսինի հնարավոր առկայության ռիսկն է:

ԿՄԱՄՆԱԿՑԻ ԵՐԿՐՈՐԴ ՓՈՒԼԻՆ

Իրանը մտադիր է մասնակցել ԱՄՆ-ի հետ բանակցությունների երկրորդ փուլին Պակիստանի մայրաքաղաք Իսլամաբադում ապրիլի 21-ին, չնայած Հոբոկոյի ներուցում լարվածությանը: Այս մասին հարցրում է թուրքական «Անադոլու» լրատվական գործակալությունը՝ հղում անելով բանակցություններին ծանոթ պակիստանյան աղբյուրներին: Նրանց տեղեկությունների համաձայն՝ իրանական պատվիրակությունը կարող է Իսլամաբադ ժամանել ապրիլի 21-ին: Թեհրանն ինքը դեռեւս պաշտոնապես չի հաստատել իր մասնակցությունը բանակցություններին: Իրանի պատվիրակության կազմը կմաս նույնը. այն կգլխավորի խորհրդարանի խոսնակ Մոհամադ Բադեր Ղալիբաֆը, իսկ բանակցություններին կմասնակցի նաեւ արտաքին գործերի նախարար Աբբաս Արազին: Ամերիկյան պատվիրակության կազմում, հավանաբար, կլինեն ԱՄՆ փոխնախագահ Ջ.Դ. Վենսը, ինչպես նաեւ նախագահի հատուկ ղեսպանորդ Սթիվ Ուիթթոնը եւ ամերիկացի առաջնորդի փեսաս Ջարեդ Քուշները: Ուիթթոնը եւ Քուշները կարող են Իսլամաբադ ժամանել երկուշաբթի կամ երեքշաբթի ուշ երեկոյան, մինչդեռ Վենսը կարող է Պակիստանի մայրաքաղաք ժամանել առանձին, հարողում է գործակալությունը:

ArmLur.am-ը ուսումնասիրել է վերլուծել է ՔՊ ընտրական ցուցակի 43-րդ հորիզոնականում ընդգրկված Արագածոտնի մարզից Տեղակալ Միլադա Հովհաննիսյանի կենսագրական սվյալները, աշխատանքային գործունեությունը եւ վերջին տարիների տարեկան հայտարարագրերը՝ դարձելու համար է, թե ով է նա:

Նա «Քաղաքացիական պայմանագիր» կուսակցության անդամ է եւ 2025 թվականին ընտրվել է ՔՊԿ Աշտարակի տարածքային կազմակերպության խորհրդի անդամ:

Տարեկան հայտարարագրերի համաձայն՝ 2024 թվականին նա ունեցել է Mercedes-Benz մակնիշի ավտոմեքենա (2008թ., ձեռք բերված 2018 թվականին), բանկային հաշիվները կազմել են 1,412 դրամ, կանխիկը՝ 1,300,000 դրամ, ինչպես նաեւ վարկային պարտավորությունները՝ 4,651,440 դրամ: Նրա տարեկան եկամուտները «ՀՀ Արագածոտնի մարզպետի աշխատակազմից» կազմել են ավելի քան 5-6 միլիոն դրամ:

2023 թվականի տվյալներով՝ նրա եկամուտը նույն աշխատակազմից կազմել է 6,423,224 դրամ, բանկային եւ կանխիկ միջոցները համապատասխանաբար եղել են 250,000 եւ 400,000 դրամ:

2023 թվականի տվյալներով եկամուտը նույն աշխատակազմից կազմել է 6,423,224 դրամ, բանկային եւ կանխիկ



միջոցները համապատասխանաբար եղել են 250,000 եւ 400,000 դրամ:

2022 թվականին, երբ նա զբաղեցնում էր Արագածոտնի մարզպետի օգնականի պաշտոնը, ստացել է 3,751,914 դրամ՝ մարզպետի աշխատակազմից եւ 599,554 դրամ՝ Ազգային ժողովից, ընդհանուր՝ 4,351,468 դրամ եկամուտ: Այդ

ժամանակ նրա բանկային հաշվին եղել է 150,000 դրամ, կանխիկ՝ 300,000 դրամ:

2021 թվականի հայտարարագրով ունեցել է 300,000 դրամ բանկային մնացորդ, 500,000 դրամ կանխիկ գումար եւ 330,000 դրամ եկամուտ՝ Ազգային ժողովից:

ՍՄՍԱ ԳՐԻԳՈՐՅԱՆ

ՕՐՎԱ ԽՃԱՆԿԱՐ

ԻՐԱՆԸ ՀԱՅՏԱՐԱՐԵԼ Է

Իրանը մտադիր չէ ժամանակ վատնել Միացյալ Նահանգների հետ անիմաստ բանակցությունների վրա եւ ակնկալում է, որ Վաշինգտոնը կպարզաբանի իր դիրքորոշումը, հայտարարել է Իսլամական Հանրապետության խորհրդարանի (Մեջլիս) ազգային անվտանգության կոմիտեի ղեկավար Էբրահիմ Ազիզին: «Մենք որեւէ մտահոգություն չունենք բանակցային գործընթացին մեր մասնակցության վերաբերյալ: Սակայն մենք չենք ընդունում բանակցությունների ժամանակ վատնելու նպատակով: Բանակցությունները պետք է հանգեցնեն Իրանի համար շոշափելի եւ հստակ արդյունքների: Սակայն ամերիկյան կողմը մինչ օրս չի կարողացել հստակ սահմանել իր դիրքորոշումը այս բանակցություններում», - նշել է նա Al Jazeera հեռուստատալիքին տված մեկնաբանության մեջ:

ԶԵԼԵՆՍԿՈՒ ՆՈՐ ԲԱՅԼԸ

Ուկրաինայի նախագահ Վլադիմիր Զելենսկին կարող է փորձել երկրի նավատորմի որոշ նավեր տրամադրել միջազգային առաքելությանը՝ ապահովելու նավարկության անվտանգությունը Հոբոկոյի ներուցում: Այս մասին հայտարարել է Գերագույն ռադայի պատգամավոր Ալեքսանդր Դուբինսկին՝ նշելով, որ տեսակաորեն հնարավոր է նավերը վարձակալության տալ դաշինքին՝ նույնիսկ անձնակազմի հետ միասին: Դուբինսկու խոսքով՝ Ուկրաինան չունի ծովային ականագերծման անհրաժեշտ տեխնոլոգիաներ, իսկ հարվածային դրոնները այս իրավիճակում կիրառելի չեն: Փոխարենը, ըստ նրա,

կարելի է օգտագործել այն նավերը, որոնք ներկայումս դուրս են բերված եւ գտնվում են Թուրքիայում՝ դրանք տրամադրելով ՆԱՏՕ-ին՝ առանց դաշինքի երկրների ռազմական նավերը վտանգի ենթարկելու:

Պատգամավորը նաեւ ընդգծել է, որ նման քայլը կարող է ձեւավորել Ուկրաինայի կերպարը որպես «վարձու ռազմական ծառայություններ տրամադրող պետություն» միջազգային հարթակում: Միաժամանակ, նախկին Կենտրոնական հետախուզական վարչություն-ի աշխատակից Աբդու Ռիտերը հայտարարել է, որ ԱՄՆ-ը պարտություն է կրել Իրանի հետ դիմակայությունում՝ չկարողանալով վերահսկել Հոբոկոյի ներուցը եւ հասնել իշխանափոխության Իսլամական Հանրապետությունում:

ԱՎԵԼԻ ԲԱՆ 20 ՆԱՎ

Ապրիլի 18-ին Հոբոկոյի ներուցով անցել է ավելի քան 20 նավ՝ սահմանելով ռեկորդ մարտի 1-ից ի վեր, հաղորդում է Reuters-ը՝ հղում անելով Kpler վերլուծական ընկերության տվյալներին: Ըստ ընկերության՝ առնվազն հինգ նավ բեռնված է եղել Իրանում, այդ թվում՝ նավթամթերքներով եւ մետաղներով: Դրանցից երեքը տեղափոխում էին հեղուկ բնական գազ (LNG), մեկը՝ Չինաստան, իսկ մյուսը՝ Հնդկաստան: Նավերի մեծ մասը բեռնված էր Պարսից ծոցի երկրներից, այդ թվում՝ Արաբական Միացյալ Էմիրություններից (ԱԷԷ), Սաուդյան Արաբիայից եւ Բահրեյնից եկող էներգիայով: Օրինակ՝ Բահրեյնից նավթ տեղափոխող մեկական տանկեր ուղեւորվում էր Թաիլանդ եւ Մոզամբիկ, իսկ մյուսը՝ ԱԷԷ-ից Ինդոնեզիա LNG տեղափոխող մեկական տանկեր: Երկու այլ տանկերներ կրում են Լիբերիայի դրոշը. մեկը

ԱԷԷ-ից Կորեայի Հանրապետություն է տեղափոխում մոտ 500,000 բարել նավթ, իսկ մյուսը՝ Սաուդյան Արաբիայից Թայվան: Հնդկաստանի դրոշի ներքո նավարկող տանկերը, որը բեռնված է ԱԷԷ-ից մոտ 780,000 բարել նավթով, ուղեւորվում է Շրի Լանկա: Կալեթի կողմից հիշատակված նավերի թվում են նաեւ Սաուդյան Արաբիայից Իտալիա ուղեւորվող նավթային կոկոս տեղափոխող բեռնատար նավը եւ Կատարից ԱԷԷ ուղեւորվող պարարտանյութ տեղափոխող նավը:

ՉԻ ՃԱՆԱԳՈՒՄ ՎԵՐՋՆԱԳՐԵՐԸ

Թեհրանը չի ճանաչում ԱՄՆ նախագահ Դոնալդ Թրամփի վերջնագրերը եւ վճռականորեն կարծազանքի հետագա ագրեսիայի դեպքում, հայտարարել է Իրանի արտաքին գործերի նախարարության խոսնակ Էսմայիլ Բադային: «Իրանի Իսլամական Հանրապետությունը չի ճանաչում իր ազգային շահերի պաշտպանության վերաբերյալ որեւէ վերջնագիր: Ազգային շահերի պաշտպանությունը կշարունակվի այնքան ժամանակ, որքան անհրաժեշտ է, եւ Միացյալ Նահանգների կամ սինիստական ռեժիմի (Նկատի ունի Իսրայելը) կողմից որեւէ սոր արկածախնդրության դեպքում զինված ուժերը կտան հզոր պատասխան», - ասել է նա մամուլի ատուլիսի ժամանակ: Ապրիլի 19-ին ամերիկացի առաջնորդը հայտարարեց, որ երկուշաբթի օրը ԱՄՆ պատվիրակությունը կժամանի Իսլամաբադ՝ Իրանի հետ բանակցություններ վարելու համար: Նա նաեւ սպառնաց, որ ԱՄՆ-ն կոչնչացնի իրանական բոլոր էլեկտրակայաններն ու կամուրջները, եթե Թեհրանը չհամաձայնի Վաշինգտոնի հետ գործարքի:

ՍՈՑԻԱԼԱԿԱՆ

ՀԵՐԹԱԿԱՆ ԱՆԳԱՍ

ՊԱՐՏՎԵՑ

Վերլուծաբան Տիգրան Դումիկյանը գրում է. «Իշխանությունը նորից պարտվեց: Ցանկացած իրեն հարգող իշխանություն, եթե ձախողում է պետական նշանակության հարցերում, սովորաբար հեռանում է: Այդ մասին վկայում է միջազգային փորձը: Իսկ առավել եւս՝ պատերազմում պարտված իշխանությունը պետք է հնարավորինս արագ գնա այդ քայլին, քանի որ պարտված իշխանության հետ գրեթե անհնար է կրկին հասնել հաղթանակի: Խոսքը ոչ թե ռազմական, այլ ռազմավարական հարցերին է վերաբերում:

Օրվա իշխանության հայտարարությունները, թե խաղաղությունն արդեն «կայացած փաստ» է, զուրկ են իրական հիմքերից: Հայաստան-Ադրբեջան հարաբերություններում ոչ միայն բացակայում է վերջնական ստորագրված փաստաթուղթը, այլև ակնհայտ է, որ Բաքուն շարունակում է թելադրել սեփական պայմանները:

Հետեւաբար՝ գործող իշխանությանը ձեռնտու չէ ներպետական կամ ներազգային դիմադրության ձեւավորումը: Այդ պատճառով հետետողական պայքար է իրականացվում ազգային դիմադրության օջախների դեմ, եւ թիրախավորվում են գրեթե բոլոր այն անձինք, ովքեր համարձակվում են այլընտրանքային քաղաքական օրակարգ ձեւավորել:

Պատահական չէր նաեւ օրեր առաջ ազգային բարերար եւ «Ուժեղ Հայաստան» քաղաքական շարժման առաջնորդ Սամվել Կարապետյանի տնային կալանքի ժամկետի երկարաձգումը: Իշխանությունը լավ գիտակցում է, որ իր քաղաքական օրակարգը սպառված է: Գրեթե բոլոր սոցիոլոգիական հարցումները վկայում են, որ թե՛ վարչապետ Նիկոլ Փաշինյանը, թե՛ նրա գլխավորած քաղաքական ուժը ունեն շատ ցածր վարկանիշ:

Սամվել Կարապետյանի նկատմամբ այս ակնհայտորեն քաղաքական բնույթ կրող որոշումը եւս մեկ անգամ ի ցույց դրեց իշխող վերնախավի իրական մտավախությունները: Սակայն թե՛ Հայաստանի, թե՛ միջազգային ընտրական փորձը ցույց է տալիս, որ քաղաքական մրցակիցների մեկուսացումը չեն կարող էականորեն փոխել հանրային տրամադրությունները: Հակառակը՝ դրանք հաճախ ավելի են մոբիլիզացնում հասարակությանը, խթանում քաղաքացիական ակտիվությունը, ավելացնում հանրային աջակցությունն ընդդիմադիր բեւեռին, տվյալ դեպքում՝ «Ուժեղ Հայաստան» դաշինքին:

Հետեւապես, Սամվել Կարապետյանի կալանքի ժամկետի երկարաձգման որոշմամբ իշխանությունը հերթական անգամ վերահաստատեց իր պարտությունը:

Միեւնույն ժամանակ, շրջանառվող այն թեզերը, թե «պետք է բոլորին դեմ քվեարկել» կամ «ընտրություններով Հայաստանում հնարավոր չէ փոփոխության հասնել», ընդամենը մանիպուլյացիաներ են՝ ուղղված գործող վարչակարգին աջակցելուն: Սոցիոլոգիական ուսումնասիրությունները ցույց են տալիս, որ, ընտրողների բարձր մասնակցության դեպքում, գործող իշխանության վերարտադրությունը գործնականում անհնար է:

Ուստի վերջնական որոշումը, ամեն դեպքում, պատկանում է ՀՀ քաղաքացուն, քանի որ ընտրություններին գիտակցված եւ ակտիվ մասնակցությունն է լինելու այն հիմնական գործոնը, որն ապահովելու է իրական փոփոխությունը»: (Գ)

Հայտարարություն

Կորել է Հասմիկ Արամի Ստեփանյանի (հասցե՝ Արամիկի Վաղարշապատ Արագած 5-րդ փողոց 7-րդ տուն) «Ֆիզիկական կուլտուրա»-ի ինստիտուտի կողմից տրված ավարտական դիպլոմը:

ՎՏԲ-ՀԱՅԱՍՏԱՆԻ ԲԱՆԿ

ԸՆԴՀԱՅՆՈՒՄ Է ՎՃԱՐՈՒՄՆԵՐԻ ՀՆԱՐԱՎՈՐՈՒԹՅՈՒՆՆԵՐԸ

Տուրիստական սեզոնին ընդառաջ՝ ՎՏԲ-Հայաստանի Բանկն ուժեղացնում է իր էկվայրինգային ենթակառուցվածքը՝ ընդլայնելով ցանցը եւ ներդնելով թվայնացված վճարային լուծումներ: Սա հնարավորություն է սալիս վճարել գնումների համար առավել արագ եւ հարմար, այդ թվում՝ ինտերնետ միջավայրում: Բանկի POS-տերմինալների ցանցն ընդգրկում է զբոսաշրջային ու ռեզորտային հիմնական օբյեկտները՝ ադախովելով օդերաֆիլ եւ հարմարավետ վճարումներ:

Ռուսաստանից այցելուների թվի աճի ֆոնին՝ ՎՏԲ-Հայաստանի Բանկն ընդլայնում է անկանխիկ վճարումների հնարավորությունները՝ դարձնելով երկրի տարածքում վճարման գործընթացն առավել հարմարավետ: Բանկը շարունակում է մնալ տեղական շուկայում միակը, որն ընդունում է «ՄԻՔ» վճարային համակարգի քարտեր: Սա հնարավորություն է տալիս զբոսաշրջիկներին առանց կանխիկ օգտագործման վճարել հյուրանոցներում, ռեստորաններում, խանութներում, բժշկական հաստատություններում եւ սպասարկման կետերում: Բացի այդ, Բանկի բոլոր մասնաճյուղերում տեղադրված են POS-տերմինալներ, որոնց միջոցով «ՄԻՔ»-ի քարտապանները կարող են կանխիկացնել գումարներ ավելի շահավետ փոխարժեքով:

Տուրիզմի զարգացումը շարունակում է մնալ Հայաստանի տնտեսական աճին նպաստող հիմնական գործոններից մեկը: Վերջին տարվա արդյունքներով՝ երկիր այցելել է ավելի քան 2 միլիոն զբոսաշրջիկ, որոնցից ավելի քան 40%-ը Ռուսաստանի քաղաքացիներ են: Ընդհանուր զբոսաշրջային հոսքն աճել է 2.5%-ով, ինչը վկայում է որպես զբոսաշրջային ուղղությունը Հայաստանի նկատմամբ կայուն հետաքրքրության մասին:

Անկանխիկ վճարումների ենթակառուցվածքի ընդլայնումը նպաստում է



ծառայությունների որակի բարձրացմանը եւ աջակցում է զբոսաշրջության ոլորտի հետագա զարգացմանը: Բանկի POS-տերմինալների ցանցը շարունակում է ակտիվորեն աճել. վերջին տարվա ընթացքում գործող տերմինալների թիվն ավելացել է 76%-ով՝ հատկապես առետուրի, ռեստորանային եւ հյուրանոցային բիզնեսի ոլորտներում: Զուգահեռ Բանկը զարգացնում է նաեւ Ինտերնետ-էկվայրինգը. միացված սարքերի քանակն աճել է 117%-ով, ինչն արտացոլում է օնլայն վճարումների նկատմամբ աճող պահանջարկը: «Տուրիզմի աճն անմիջականորեն ազդում է վճարային ենթակառուցվածքի պահանջների վրա. բիզնեսի համար կարեւոր է առաջարկել հաճախորդների համար սովորական վճարման եղանակներ: Մենք զարգացնում ենք էկվայրինգը որպես գործիք, որն օգնում է արդյունավետ սպասարկել հաճախորդների աճող հոսքը: Էկվայրինգը բիզնեսին օգնում է ավելացնել վաճառքները, ինչը դրական ազդեցություն ունի թե՛ հաճախորդների, թե՛ Հայաստանի տնտեսության վրա: 2026թ. մեր ծրագրերում նախատեսված է նոր էկվայրինգային պրո-

դուկտների գործարկում՝ հաշվի առնելով մեր հաճախորդների առանձնահատկությունները, ինտեգրացիաների զարգացումը եւ սակագների հետագա օպտիմալացումը», - նշել է ՎՏԲ-Հայաստանի Բանկի Գլխավոր տնօրենի - Տնօրինության նախագահի տեղակալ Եվգենի Մոտովիլովը:

Այս փուլում հատուկ ուշադրություն է դարձվում Ինտերնետ-էկվայրինգի զարգացմանը: Բանկը ներդնում է օնլայն բիզնեսի համար նախատեսված լուծումներ՝ կայքում վիրտուալ վճարային համակարգ (V-POS) եւ վճարումների կատարում հղումով (E-com): Սա բիզնեսներին հնարավորություն է տալիս ընդլայնել վաճառքի ոլորտները եւ պարզեցնել վճարումների ընդունման գործընթացը: Օգտատերերի համար այս լուծումներն ապահովում են ծառայությունների դիմաց նախապես վճարելու հնարավորություն, այդ թվում՝ հյուրանոցների ամրագրում «ՄԻՔ» քարտերով՝ դարձնելով ուղեւորությունների պլանավորումն ավելի հարմարավետ:

ՎՏԲ-Հայաստանի Բանկը վերահսկվում է ՀՀ ԿԲ կողմից

CONVERSE MOBILE-Ը ԹԱՐԽԱՑՎԵԼ Է

Կոնվերս Բանկը հայտարարում է Converse Mobile հավելվածի հերթական բարձրացման մասին: Թարմացումը կատարվել է՝ հաշվի առնելով հաճախորդների արձագանքները եւ թվային բանկինգի զարգացող միտումները: Ծեօք դրվել է արագության, դարձվածքի եւ վերահսկելիության վրա:

Փոփոխություններ, որոնք կզգաք ամեն օր

Թարմացումից հետո քարտերով գործարքների պատմությունը հասանելի է նաեւ «Քարտեր» բաժնում մեկ էջում, ավելի ընդլայնված տեղեկատվությամբ. պետք է պարզապես ընտրել համապատասխան քարտը, ապա սեղմել «Պատմություն»: Այստեղ ցուցադրվում են գործարքներն իրենց կարգավիճակներով. հաշվառված գործարքների դեպքում հնարավոր է տեսնել գործարքի բոլոր մանրամասները, ներառյալ՝ գործարքի արժույթը եւ գումարը (եթե տարբերվում է հաշվի արժույթից) եւ հաշվեգրման ամսաթիվը:

Money box-ում խնայողությունների հնարավորություններն ընդլայնվել են՝ ներառելով նաեւ «Պարբերական վճարումներ»:



Բացի այդ, համապատասխան առաջարկների դեպքում հավելվածով հասանելի կլինեն աճուրդային եղանակով տեղաբաշխվող պարտատոմսերում ներդրումները:

Սա դերն ամենը չէ՝ Հայաստանում անհատականացված փորձառությանը առաջին բանկային հավելվածի՝ Converse Mobile-ի զարգացումը

շարունակական է: Ամեն թարմացումից հետո Կոնվերս Բանկի բանկինգը դառնալու է ավելի ընդգրկուն, պարզ եւ արագ. մեր հաճախորդներն արժանի են լավագույնին:

conversebank.am, 010 511 211

Կոնվերս Բանկը վերահսկվում է ՀՀ ԿԲ կողմից

«Տողովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:



ԿԱՐԳ

ՀԱՐՑ. Ինչպե՞ս եւ ո՞ր լեզվով է իրականացվում ազգային փոփոխությունները դասկանող սովորողի ընդունումն ու ուսուցումը հաստատությունում:

Անահիտ Սարգսյան, 48 տարեկան



ՊԱՏԱՍԽԱՆ. ՀՀ ԿԳ նախարարի N 1640-Ն /24.11.2010թ./ հրամանով հաստատված «Դպրոցական տարիքի երեխաներին հանրակրթության մեջ ընդգրկելու, սահմանված ժամկետից ուշ հանրակրթության մեջ ընդգրկվող երեխաների կրթության կազմակերպման եւ հանրակրթական ուսումնական հաստատությունից սովորողին այլ ուսումնական հաստատություն տեղափոխելու ազատելու կարգի» 5-րդ կետի համաձայն՝ «Ազգային փոքրամասնությանը պատկանող սովորողի ընդունումը հաստատություն կարող է կատարվել սովորողի ազգային (մայրենի) լեզվով ուսուցմամբ կամ այդ լեզվի դասընթաց ունեցող հաստատությունում (դասարանում), իսկ դրա բացակայության դեպքում ուսուցման լեզվի ընտրությունը կատարում է սովորողի ծնողը (որա օրինական ներկայացուցիչը): Եթե ազգային փոքրամասնությանը պատկանող սովորողի ազգային (մայրենի) լեզվով ուսուցմամբ կամ այդ լեզվի դասընթաց ունեցող հաստատությունում լիցենզիայով տրված սահմանային տեղերը լրացած են, եւ տվյալ բնակավայրում բացակայում է այլ հաստատությունում ազգային (մայրենի) լեզվով ուսուցման հնարավորությունը, ապա սովորողի ընդունելությունը տվյալ հաստատություն իրականացվում է՝ անկախ լիցենզիայով տրված սահմանային տեղերի սահմանափակումից»:

ԿԳՄՍ

Էջը՝ ՄԱՐԻԱՆԱ ՀՈՎՅԱՆՆԻՍՅԱՆԻ

ՀԱՍԱՐԱԿՈՒԹՅՈՒՆ

ՀԱՐՑ. Քանի՞ օրում կսահման իմ դիմումի, հարցման կամ բողոքի դասախանդը:
Արփինե Սահակյան, 29 տարեկան

ՊԱՏԱՍԽԱՆ. «Տեղեկատվության ազատության մասին» ՀՀ օրենքի համատեքստում ներկայացվող տեղեկատվություն տրամադրելու վերաբերյալ գրավոր հարցման պատասխանը տրվում է հետեւյալ ժամկետներում.

1) Եթե գրավոր հարցման մեջ նշված տեղեկությունը հրապարակված չէ, ապա դրա պատճենը դիմողին է տրվում հարցումն ստանալուց հետո՝ 5-օրյա ժամկետում.

2) Եթե գրավոր հարցման մեջ նշված տեղեկությունը հրապարակված է, ապա տվյալ հրապարակման միջոցի, վայրի եւ ժամկետի մասին տեղեկությունը դիմողին է տրվում հարցումն ստանալուց հետո՝ 5-օրյա ժամկետում.

3) Եթե գրավոր հարցման մեջ նշված տեղեկությունը տրամադրելու համար անհրաժեշտ է կատարել լրացուցիչ աշխատանք, ապա այդ տեղեկությունը դիմողին է տրվում դիմումն ստանալուց հետո՝ 30-օրյա ժամկետում, որի մասին հարցումն ստանալուց հետո՝ 5-օրյա ժամկետում, գրավոր տեղեկացվում է դիմողին՝ նշելով հետաձգման պատճառները եւ տեղեկությունը տրամադրելու վերջնական ժամկետը:

Հարկադիր կատարումն ապահովող ծառայությանը ներկայացված տեղեկատվություն տրամադրելու պահանջ չպարունակող դիմումների կամ բողոքների հիման վրա հարուցված վարչական վարույթն ավարտվում է վարչական ակտը կայացվում է դիմումի ներկայացման փաստով վարչական վարույթի հարուցումից հետո՝ 30-օրյա ժամկետում, բացառությամբ օրենքով նախատեսված հիմքերով վարչական վարույթի ժամկետի երկարաձգման դեպքերի:

Հարկադիր կատարումն ապահովող ծառայություն

«ԺՈՂՈՎՈՒՐԳ». Հարկադիր կատարողի կողմից որոշակի որոշման կայացման հիմք հանդիսացող փաստական հանգամանքներ եւ/կամ ապացույցներ ներառող դիմումների ներկայացման դեպքում հարկադիր կատարողի կողմից այդ դիմումի հիման վրա համապատասխան որոշումը կայացվում է դրա համար հիմք հանդիսացող հանգամանքները հարկադիր կատարողին հայտնի դառնալու (դիմումը ստացվելու) օրվանից եռօրյա ժամկետում, եթե օրենքով ավելի կարճ ժամկետ նախատեսված չէ:

ԼՈՒՐ ԿԱԴՐ

Լուսանկարը՝ shamshyan.com-ի



Արտակարգ իրավիճակ Մայակովսկի գյուղում. գետը դուրս է եկել հունից ու մի քանի կիլոմետր լցվել փողոցներ ու տների բակեր:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել



«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-53-01

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը:
Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

ԵՂԱՆԱԿԻ ՏԵՍՈՒԹՅՈՒՆ



Շիրակ	-2 +2 +6 +11
Կոտայքի լեռներ	-1 +2 +6 +9
Կոտայքի նախալեռներ	+5 +8 +10 +13
Գեղարքունիք	-2 +2 +5 +8
Լոռի	+1 +5 +7 +10
Տավուշ	+1 +4 +7 +10
Արագածոտնի լեռներ	-3 +1 +6 +9
Արագածոտնի նախալեռներ	+4 +8 +9 +14

Արարատ	+6 +9 +13 +16
Արմավիր	+8 +10 +15 +18
Վայոց ձորի լեռներ	0 +2 +5 +8
Վայոց ձորի նախալեռներ	+6 +9 +13 +16
Սյունիքի լեռներ	0 -2 +3 +6
Սյունիքի նախալեռներ	+2 +5 +7 +10
Սյունիքի հովիտներ	+8 +11 +14 +17
Երեւան	+6 +8 +13 +15

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արշակունյաց 22՝/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 20.04.2026
Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: